



NB! Alle turar er skildra med start frå gamle Vågen (kommunehuset)

1 SKOMAKARNIBÅ

- sagnomsust turmål langs Jøsenfjorden

H Skomakarnibå er namnet på eit særmerkt fjellparti 700 meter over Jøsenfjorden. Start i Vågen og gå opp den gamle sjørvegen via Flådene (alt. via Strengjatonå) til garden Hagalid. Vidare på skogsveg og deretter sti. Stien stig bratt opp mot Øksnafjellet. Deretter er det lettgått og ope inn mot Ulsvikjuvet. Deretter kjem ein først til «Kartskjøt» og så til den markante Skomakarnibå som stikk ut frå det massive fjellplatået. Stien har bratte parti, og oppe på platået er det stup. Stien går ikkje ut på nibba. Turpost.

Lengd: ca 10 km ein veg

Høgdeskilnad 700 m

2 STRENGJATONÅ

- sentrumsnær tur til flott utsiktpunkt

H Start turen gjennom trøgt smug mellom dei gamle husa i Vågen. Vidare opp mellom fukthagar i eit vakkert kulturlandskap på Sæbø. Vidare på sti med kraftig stigning og eit par bratte kneiker på slutten mot utsiktpunktet. Turen er ikkje lang, og stien er tilrettelagt med tau og trappetrinn på dei mest ulendte plassane. Frå Strengjatonå er det flott utsikt over heile tettstaden Hjelmeland og den vide Ombofjorden. Retur gjennom fine beiteområde via Knuten og Flådene, med utsikt nordover. Siste del av turen går via Nordbygda attende til Vågen.

Lengd: Rundtur ca 3 km

Høgde utsiktpunkt ca 220 moh.

3 HEIAKODL

- flatt tur frå Vågen til markant kolle med vid fjordutsikt

H Følg rute 2 opp til Strengjatonå, vidare forbi Knuten til du møter Hagalid-stien. Denne stien går bratt opp gjennom beite og granskog, og vidare inn til Heiavarden, ca 380 moh. Her er eit vegskilje, og målet er Heiakodl, 450 moh. Siste biten til Heiavarden til Heiakodl går i ope flott terrenget med småskog, berg og små myrparti. Opp på Heiakodl får du ein fantastisk utsikt. Retur same veg, eller følg Hagalidvegen ned.

Lengd: snautt 4 km ein veg. Høgdeskilnad: 450 m

H Fint alternativ er å starte på p-plass Hagalid gard (mot betaling), 300 moh. Kortare og lettare tur.

4 HJELMEN RUNDT

H Når du står i Vågen, kan du ikkje unngå å legge merke til ein markant hjelmforma ås sentralt i tettstaden: Hjelmen. Han har gitt namn til kommunen, ligg i utmarka til Prestagarden og er ei litau naturperle. Start i Vågen over den knalraudane gangbrua, opp steintrappa Timastokken og opp Prestagardsmarka. Vidare vandring gjennom eikeskog og landbruksområde. Lia mot Steinslandsvatnet er som ein liten «trollskog» av store eiketrær og området er internasjonalt kjent på grunn av lavvekstene. Langre sør møter du kanskje dyr ute på beite, og så følg difor den merka ruta. Turen går ut til Tuntlandsvegen og vidare gjennom Hagahaugen for retur til Vågen.

Lengd: rundtur ca 3,5 km

Høgdeskilnad: 90 m

5 HJELMEN

- opp til orkesterplassen ved «Northern Winds»

H Hjelmen opp er eit spanande alternativ til å gå rundt. Start litt som tur 4 frå Vågen gjennom Prestagardsmarka. Etter stidelet følger du sti opp gjennom eikeskog til toppunktet 206 moh. Utsikten er best på vestsida ved utesenteren. Her får du orkesterplass til tettstaden, fjorden og øyane. Her finn du også steinskulpturen «Northern Winds». Stien går bratt ned på vestsida, anten ned til vegen Prestagarden eller ned til Kalvehagen retning idrettsanlegget. Retur via Hagahugen til Vågen.

Lengd: rundtur ca 3 km

Høgdeskilnad: 206 m

6 KLUNGEN RUNDT

kort lufterunde i nærmiljøet Hjelmeland

H Klungen er ein liten skog tett ved skule og barnehage. Start i Vågen over den knalraudane gangbrua, og vidare langsmed sjøen. Du svingar oppover og gjennom uteområdet til hotellet. Turen fortset opp mot skuleområdet. Her kan du stanse i Tarzan-jungelen og leike litt, eller spele ball på banen. Rundt Klungen er det god sti. Inne i Klungen er det nokre leikeapparat og ein gapahuk. Returen kan gjerne gå langs Vågavegen og ned steintrappa Timastokken til Vågen.

Lengd: ca 2,5 km

Høgdeskilnad: ca 60 m



Kart rute 1-5, 7-9

Teiknforklaring

Turutene 1-12 er merka med ulike fargar i kartet

- Sams turtrasé
- Andre stiar (umerka)
- Hovedvegar
- Mindre vegar
- Små grusvegar/traktorvegar
- Kraftline
- Dyra mark/beite
- Skog
- Vatn/ev
- Myr
- Bustad/gardsbruk
- Anna næring
- Parkering
- Informasjon
- Buss
- Ferje
- Toalett
- utsiktpunkt
- Badeplass
- Gapahuk
- Turbok, Hjelmeland Turlag



NB! Alle turar er skildra med start frå gamle Vågen (kommunehuset)

7 LEITERUNDEN

- sentrumsnær vandring i kulturhistorisk landskap

H Leiterunden er ein kort rundtur frå Vågen gjennom særprega busetnad og kulturlandskap. Start opp i smuget i gamle Vågen, opp til Sæbø. Følg landbruksveg langs grøne ekrer og spanande kulturminne. Det var her på Sæbø dei i 1769 fant dei flotte halsringane av solv frå vikingtida. Utsiktpunktet Leite ligg på eit liten fjellhus, som ein avstikkar frå stien. Turen held fram langsmed ekrer på eine sida og steile fjellvegger på andre sida. Ved Flådene svingar løypa sørover igjen. Returnen går anten via Burmavegen, eller ned via Nordbygda.

Lengd: ca 3 km
Høgaste punkt, Leite: 90 moh.

8 SANDSÅSEN

- frå post til post i flott terreng

H Sandsåsen er ein vid ås som ligg sør for tettstaden Hjelmeland. Start i Vågen og gå Vågavegen vestover til Sande. Frå tunet på Sande stig det bratt opp på god sti i tett granskog. Når landskapet opnar seg, er du inne på sjølv Sandsåsen der Hjelmeland Turlag har tre turpostar. Post 1 ligg like ovanfor Kro, ca 200 moh., med utsikt mot sørvest. Stien opp mot post 2 går i opnare heilandskap. Post 2, ca 280 moh., byr på nydeleg utsikt mot nordaust, nedover til tettstaden Hjelmeland. Følg merka sti vidare til stidelet ved Skoddbraud, ta av ned mot Tuntland og deretter retur til Vågen. Har du lyst på meir utfording, kan du gå vidare til post 3 på Middagsknuten 451 moh., sjå tur 9.

Lengd: snautt 8 km
Høgde utsiktpunkta: post 1 ca 200 moh., post 2 ca 280 og post 3 ligg 451 moh.

9 BJØDNABU-RUNDEN

- flatt rundtur frå fjord til fjell

H Bjødnabu-runden er langturen der du møter mykje av det Hjelmeland har å by på: aktivt kulturlandskap, vakre vatn, ope heilandskap og markante utsiktpunkte. Heile rundturen med start og stopp i Vågen er om lag 19 km, så set gjerne av heile dagen. Bjødnabu-runden startar frå Vågen opp til Sæbø (sjå tur 7). Vidare langs Sæbøvegen og oppover Hagalidvegen og ned til Kvame. Ruta passerer fruktgardardane Sæbø og Nedre Fevoll som også er siderprodusentar. Vidare til Bjødnabu går turen på veg. Bjødnabu ligg ca 450 moh. og er eit tilrettelagt friluftsområde med lysløype, gapahuk, toalett og badevatn. Derfrå går resten av rundturen på merka sti utover til Puntsnes i nydeleg kupert hei- og skogslandskap. Delar av ruta vestover er gamal driftaveg. Vær obs på stidele ved Raunstølvatnet. Ta gjerne alternativ rute om post 3, Middagsknuten, eller avstikkar til post 2, Sandsåsen. Frå Puntsnes følger ein hovudveg tilbake til Vågen.

Lengd: ca 19 km
Høgdeskildnad: ca 500 m

10 JØRMELAND

- avstikkar frå tur 9

H Jørmeland er eit nedlagd gardsbruk. Turpostkasse like før tunet. Lett kupert terreng med godt opparbeida sti.

11 SKULP-TUREN

H Skulp-turen er ein sentrumsnær runde der du får med deg kunst og minnesmerke. Turen er berre delvis skilt. Kan godt supplerast med delar av Vågarunden (tur 12). Turen går mellom Vågen og Sande. På plenen ved kommunehuset står bysten med forfattar og laesar Johannes Arneson. Ved elveosen finn du verdas største jærtol; Hjelmeland er jærtol-kommunen, og dette norske møbelikonet har blitt produsert her sidan 1899. Frå elva følger du langs sjøen forbi hotellbygget. I området her er der fire skulpturar. Vidare langs Vågavegen til ferjekai, der siste steinskulpturen er å finna. På retur tilbake til Vågen kan du også avstikke opp på Hjelmen til skulpturen «Northern winds» (jf tur 5). Ved kyrkja finn du minnesmerket over tre ungdomar som ofra livet under 2. verdskrig.

Lengd: 2,5 km; med avstikker til Hjelmen, 4,2 km
Høgdeskildnad: ca 200 m inkl. Hjelmen

12 VÅGARUNDEN

- ei kulturvandring

H Hjelmelandsvågen har mykje spennande historie å by på. Litt av den kan du få med deg ved å følge den sentrumsnære Vågarunden som går mellom Vågen og gamle Heradstova. Pr dato i alt 11 blå emaljeskilt der du kan lesa om gammal krigshistorie, storflauen, kyrkjebygging, kopalverket og mykje meir. Heile runden tek rundt 45 minutt. Turen er ikkje separat skiltet med vegvisningsskilt. Følg kartet (til venstre).

Lengd: ca 1,5 km
Høgdeskildnad: ca. 30 m



Kart rute 1–12



KJÆRE TURGÅAR!

Hjelmelandsvågen er eit sentralt utgangspunkt for turar på land og sjø. Her finn du informasjon, busstopp, toalett og parkering. I området mellom ferjekaien og gamle Vågen finn du serveringstilbod, daglegvarebutikk, bank og andre servicetilbod. Bruk dei!

Kartet skal vera eit hjelpemiddel for å finna fram til gamle og nye turmål. Turruseane går på stiar og vegar i variert terreng, delvis også innmark og tett på hus. Me vil oppmøda alle turgåarar om å ta omsyn til dei som eig og brukar området elles, til beitedyr og til andre du møter. I utmark kan einkvar ferdest til fots heile året, viss det skjer med omsyn og varsemd (allemannsretten).

- Ta omsyn til beitedyr og lukk grinder
- Hold hunden i band
- I tida 15. april til 15. sept. er det ikkje lov å tenna bål
- Ta med bosset heim

Turraseane er enkelt skilta med fargekodar etter nasjonal standard med vanskegradene:

Enkel: Kan gjennomførast av alle

Krevande: For den røynde turgåaren

Middels: For den vanlege trimmaren

Ekstra krevande: For røynde fjellfolk



GOD TUR!

Redaksjon: kommunen, næringslivet, frivillige
Framsídemotiv: Ved «Northern Winds», Hjelmen.
Foto: Bente Roalo Sirevåg
Redaksjonen avslutta desember 2020
Design, kartografi og grafisk produksjon:
Grafika AS · 468 11 000 · grafika.no Kartkjelde: Statens kartverk
Kartet er å finna på www.hjelmeland.kommune.no

Utgjeve av Hjelmeland kommune med stønad frå:



Stor takk til grunneigarane!

